

## MINISTARSTVO OBRAZOVANJA, NAUKE, KULTURE I SPORTA HERCEGOVAČKO-NERETVANSKOG KANTONA/ŽUPANIJE

Ministarstvo obrazovanja, nauke, kulture i sporta HNK, na osnovu članova 104. i 104a. Zakona o osnovnom odgoju i obrazovanju ("Službene novine HNK", broj 5/00, 4/04, 5/04, 1/14 i 7/16), člana 9. Uputstva o izboru i imenovanju školskih odbora osnovnih i srednjih škola ("Službene novine HNK", broj 2/05, 5/05 i 7/07), člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i Odluke Vlade HNK broj 01-1-02-98/19 od 15.1.2019. godine, objavljuje

### JAVNI KONKURS

#### ZA IZBOR I IMENOVANJE ČLANOVA ŠKOLSKOG ODBORA IZ REDA OSNIVAČA JAVNE USTANOVE OSNOVNE ŠKOLE "ALIJA ISAKOVIĆ" PROZOR

**I.** Raspisuje se javni konkurs za izbor i imenovanje tri člana Školskog odbora iz reda osnivača u Javnu ustanovu Osnovna škola "Alija Isaković" Prozor.

**II.** Poslovi, odgovornosti i ovlaštenja definisani su odredbama Zakona o osnovnom odgoju i obrazovanju i članom 3. Uputstva o izboru i imenovanju školskih odbora osnovnih i srednjih škola.

**III.** Svi kandidati koji se prijavljuju na konkurs moraju ispunjavati opšte uslove propisane članom 7. stav 1. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03, 34/03 i 65/13).

**IV. Pored opštih uslova, kandidati za člana Školskog odbora moraju ispunjavati i posebne uslove:**

- VSS (VII) ili VŠS (VI) odgovarajućeg smjera, tri godine radnog iskustva, poznavanje načina rada školskog odbora u koji se kandiduju, uživanje ugleda u lokalnoj zajednici, sposobnost za savjesno, odgovorno i odlučno obavljanje upražnjene pozicije, sposobnost nepristrasnog donošenja odluka.

**V.** Uz prijavu na javni konkurs kandidati su dužni priložiti:

- biografiju, adresu i kontakt telefon;
- dokaz o stručnoj spremi;
- dokaz o radnom iskustvu;
- uvjerenje o nekažnjavanju.

**VI.** Javni konkurs ostaje otvoren petnaest (15) dana od dana objavljivanja.

**VII.** Prijave sa traženim dokumentima dostaviti lično ili preporučeno poštom na adresu:

Ministarstvo obrazovanja, nauke, kulture i sporta HNK, ulica Stjepana Radića br. 3 Mostar, sa naznakom "Prijava za javni konkurs za izbor i imenovanje članova Školskog odbora Javne ustanove Osnovne škole "Alija Isaković" Prozor.

Neblagovremene i nepotpune prijave neće se uzimati u razmatranje.

(SI-66/19-F)

### LIKVIDACIJE - STEČAJI

Općinski sud u Sarajevu likvidacioni sudija Nebojša Joksimović u likvidacionom postupku nad pravim licem "Laško Grupa" d.o.o. Društvo sa ograničenom odgovornošću za promociju i istraživanje tržišta, trgovinu i trgovačko posredovanje, ul. Hifi Bjelevca br. 1, na ročištu održanom dana 08.01.2019. godine donio je slijedeći

#### OGLAS

1. Zaključuje se likvidacioni postupak nad pravim licem "Laško Grupa" d.o.o. Društvo sa ograničenom odgovornošću za promociju i istraživanje tržišta, trgovinu i trgovačko posredovanje, ul. Hifi Bjelevca br. 1.
2. Razrješava se dužnosti likvidatora Naida Čustović, advokat iz Sarajeva, ul. Zmaja od Bosne br. 7/III, Sarajevo.
3. Iznos novčanih sredstava koji se nalazi na računima društva Laško Grupa d.o.o. prenet će se na osnivača Pivovarna Laško Union d.o.o.
4. Po pravosnažnosti ovog rješenja, navedeno pravno lice brisat će se iz registra Općinskog suda u Sarajevu, koje je upisano u matični broj subjekta broj

65-01-0486-12 (stari broj 1-23259), a po rješenju broj UF/1-1518/01 od 19.10.2001. godine.

5. Ovo rješenje ima se objaviti u "Službenim novinama Federacije BiH".
6. Troškovi likvidacionog postupka padaju na teret pravnog lica.

Broj 65 0 L 685882 18 L  
08. januara 2019. godine  
Sarajevo

(O-12/19)

Općinski sud u Sarajevu, likvidacioni sudija Edina Bučan, u likvidacionom postupku nad pravim licem LENA BH društvo sa ograničenom odgovornošću Sarajevo, ul. Fra Andela Zvizdovića broj 1, Sarajevo, na ročištu održanom dana 26.12.2018. godine donio je slijedeći

#### OGLAS

1. Zaključuje se likvidacioni postupak nad pravim licem LENA BH društvo sa ograničenom odgovornošću Sarajevo, ul. Fra Andela Zvizdovića broj 1, Sarajevo.
2. Razrješava se dužnosti likvidatora Adnan Jugo, ul. Grbavička 5A, Sarajevo.
3. Po pravosnažnosti ovog rješenja, navedeno pravno lice brisat će se iz registra Općinskog suda u Sarajevu, koje je upisano u matični broj subjekta 65-01-0936-16.
4. Ovo rješenje ima se objaviti u "Službenim novinama Federacije BiH".
5. Troškovi likvidacionog postupka padaju na teret predlagača.

Broj 65 0 L 694434 18 L  
26. decembra 2018. godine  
Sarajevo

(O-13/19)

### USPOSTAVLJANJE ZEMLJIŠNOKNJIŽNOG ULOŠKA

Na osnovu člana 63. i 67. Zakona o zemljišnim knjigama FBiH ("Službene novine Federacije BiH", broj 19/03, 54/04), Općinski sud u Bugojnu

#### NAJAVLJUJE

#### USPOSTAVU I ZAMJENU ZEMLJIŠNE KNJIGE ZA KATASTARSKU OPĆINE ČAUŠLIJE, POLITIČKA OPĆINA BUGOJNO

Pozivaju se sva zainteresovana lica, koja polažu pravo na priznanje vlasništva ili nekog drugog prava na nekretninama upisanim u katastarskoj općini Čaušlije po novom premjeru, politička općina Bugojno da to svoje pravo prijave u roku od 60 (šezdeset) dana od dana najave u "Službenim novinama Federacije BiH" i "Službenom glasniku BiH", podneskom u 2 (dva) primjerka i da podnesu dokaze (ugovori, rješenja o nasljeđivanju, pravosnažne odluke nadležnih organa, posjedovni listovi kao i sve druge isprave koje mogu poslužiti kao dokaz), u suprotnom njihovo pravo neće biti uzeto u obzir prilikom uspostave zemljišnoknjižnog uloška.

Lica, koja polažu pravo na predmetnim nekretninama mogu, navedeni rok, na zahtjev, produžiti za najmanje slijedećih 90 (devedeset) dana, kako bi im se dala mogućnost da pribave potrebne dokaze.

Ukoliko u produženom roku ne uslijedi dostava novih dokaza zemljišnoknjižni uložak će se uspostaviti na osnovu do tada pribavljenih dokaza.

Pozivaju se zainteresovana lica da prijave svoja prava i rješavaju svoje imovinsko-pravne odnose.

Prijava prava u prvom redu je u Vašem interesu. Prijavom prava osiguravate sudjelovanje u procesu utvrđivanja prava na Vašim nekretninama.

Utvrđivanjem prava i njihovim upisom u elektronski vodenoj zemljišnoj knjizi osiguravate apsolutnu zaštitu svojih prava stoga Vas još jednom pozivamo da prijavite svoja prava na nekretninama i aktivno učestvujete u daljnjem postupku.

Svi upisi u zemljišne knjige za katastarske općine koje će biti predmet uspostave ili zamjene zemljišne knjige u okviru Projekta registracije nekretnina provodit će se bez naplate sudske takse.

Uvid u elektronski vodenu zemljišnu knjigu te lična predaja podnesaka sa dokumentacijom moguća je u Odjeljenju za zemljišnoknjižne poslove Općinskog suda u Bugojnu, svakim radnim danom u vremenu od 08,30-14,00 h.

Podneske je moguće dostaviti i putem pošte na adresu suda:

Općinski sud u Bugojnu  
307. motorizovane brigade br. 92 (za Odjeljenje za zemljišnoknjižne poslove)  
70230 Bugojno

Broj 46 0 Su 0 Su 87955 Su  
21. januara 2019. godine  
Bugojno

(SI-61/19-F)